

III. *Esdrae* propter praecedentem Librum *Nebemiae* inscribitur II. *Psalterii* titulus est: *Incipit liber ymnorum uel soliloquiorum prophete dauid de christo*. Epistolis *Paulinis* et *Canonicis* interpositi sunt *Actus Apostolorum*. I. *Job*. c. 5. post: *spiritus, aqua et sanguis* deest, et hi tres unum sunt. Adhaerent: *Capitulare* recentiore manu productum ad finem L. IV. *Regum*. Index ille *Nominum hebraicorum*. a prima manu, demum *Tabula* recentior *Librorum in hoc volumine contentorum*. Indici aureis literis haec subsunt: *Presens uolumen Biblie est Leonelli Vivaldi Geniti d. Barnabe emptum Caffè precio asperorum duorum millium quingentor. a Laurentio Spinula. Laus deo et Sancte Marie Magdalene. Amen*. Cultus hic, et praeter *παρεγγρα* jam adducta complures per marginem sparsae notulae satis indicant, magno in pretio et usu fuisse quondam illustri *Spinularum* Genti tum *Cassae* five *Theodosiae* commerciis plurimum florenti hunc Codicem.

XXIX.

C. 939 Codex membraneus lat. Sec. XIV. Folior. 611. 8. min. per duas columnas nitidissime aequae ac minutissime perscriptus, coloribusque illustratus, et nuper nobilis *Parthenonis Halae ad Oenum*, praefixa recentiore pictura *Universi creationem* exhibente continet sacra *Biblia V. et N. T.* cum solitis *Hieronymi* Praefationibus, et *Argumentis*. Post L.

Nebemiae fol. 247. reperiuntur duo *Esdrae* apocryphi, qui hic *Secundus* et *Tertius* inscribuntur. *Psalterium* deest. LL. *Machabaeorum* praefertunt *Rabani* Prologos ad *Ludovicum R.* et *Geroldum Archidiac.* Fol. 561. *Job*. I. c. 5. ad testimonium terrestre in margine alia manu adjectum est: *et hi tres unum sunt*. Ad calcem denique pro more accedunt *Interpretationes Nominum hebraicorum*.

XXX.

Codex membraneus lat. Sec. R. 71 XIV. Folior. nunc 342. 8. per duas columnas minutissime, sed nitide exaratus, et coloribus illustratus comprehendit sacra *Biblia U. T.* vulgati interpretis, *Epistolis* et *Prologis Hieronymianis* munita ordine *Librorum* consueto. Verum a parte c. 25. L. II. *Paralip.* usque ad *Isaiae* medium c. 63. exciderunt omnia, et iterum finis *Epistolae III. Job.* cum principio *Epistolae Judae* deperiit; *Apocalypsis* autem nunquam addita fuisse videtur. Libri *Machab.* praefixos habent notos illos *Rabani M.* Prologos ad *Ludovicum Regem* et *Geroldum Archidiaconum*. *Actus Apostolorum* inter *Epistolas Pauli* et *Canonicas* interjacent. I. *Job*. 5. adest quidem totum utrumque *Testimonium*, sed in terrestri verba illa: *et hi tres unum sunt*, punctulis subnotantur. Finem facit, ut solet, *Nominum hebraicorum Interpretatio*.

XXXI.

XXXI.

R. 659 Codex membraneus lat. Sec. XIV. Folior. 807. 12. per duas columnas nitidissime, sed perquam minute exaratus, coloribusque distinctus sacra *Biblia* versionis vulgatae Prologis *Hieronimi* et consuetis Argumentis instructa continet, de quibus sequentia notanda veniunt: *Fol.* 274. p. 2. Rubrica *secundum librum Esdre* notat, quamvis pagina superne *Neemie* inscripta sit; adest enim *Liber* etiam *tertius*. *Fol.* 332. p. 2. *Psalms* titulus est: *Incipit liber ymnorum uel soliloquiorum dauid de christo*. *Fol.* 575. *Machabaei* duplici illo *Rabani Mauri* ad *Lodouicum regem*, et *Geroldum sacri palatii archidiaconum* Prologo muniuntur. *Fol.* 715. *Actus Apostolorum Epistolis Paulinis* et *Canonicis* interponuntur. *Fol.* 742. Testimonium triplex *Job*. I. c. 5. ita habet a prima manu: *Quoniam tres sunt qui testimonium dant in celo. pater. uerbum. et spiritus sanctus. et hii tres unum sunt. et tres sunt qui testimonium dant in terra. spiritus aqua et sanguis. et hii tres unum sunt.* Postremum tamen *κομμια* punctulis subnotatum est tanquam delendum. Ad calcem accedunt primo *Interpretationes nominum hebraicorum*, dein *Lexionarium* Epistolarum et *Evangeliarum* per annum ab alia manu, in quo pro *Dominica I. Adventus* etiamnum adsignatur *Evangeliarum Matth.* c. 21. *Cum appropinquasset Iesus Ierosolymis &c.*

XXXII.

R. 31 Codex membraneus lat. Sec. XIV. Folior. nunc 265. f. per duas columnas literis densatis, atris exaratus, et rubricis distinctus *Biblia sacra* vulgatae interpretationis complectitur, ita tamen a Profanis male habita, ut evulsis foliis initium nunc fit a C. XXIII. *Exodi*, finis vero in C. VI. *Evangelii Iohannis*, adpareatque e relictis vestigiis, Interpretationem notam *Vocum hebr.* et *graec.* iis adjunctam fuisse. Exemplar in II. Partes dividi declarat *fol.* 173. p. 2. ubi legas: *Explicit prima pars sive medietas biblie (sic) scripta post secundam. in vigilia beati Luce ewangeliste. Vtraque per Bernhardum incepta. Per Temlinum vero finita, in Castro Strigonien. Anno domini M^o. CCC^{mo}. Nonagesimo quarto: Laus domino. Amen. Et caerulo: Explicit prima pars biblie. Amen.* Et recentiore calamo: *Collegij Christi Strigonien.* Procedit vero haec Pars ordine Librorum recepto, nisi quod *Paralipomenis* et *Esdrae* interjecta sit *Oratio Manassis*, Libro I. et III. *Esdrae* *Nehemias*, *Psalterium* desit penitus, et *Iobum*, qui finitus ad calcem dicitur *feria V. post natiuitatem christi hora uesperar.* continuo excipiat *Salomon cum Sapientia* et *Ecclesiastico*. Pars sive Medietas altera a *Prophetis* orditur *fol.* 174. deficitque, ubi supra indicatum est, Prologi *Hieronimi*, et nota illa argumenta passim Libris praefiguntur. *Demetrius* Card. Archiep. Stri-